
ФАРҒОНАДА РОССИЯ КОМПАНИЯСИ БИЛАН ҲАМКОРЛИКДА ҲАВО ШАРЛАРИ ФЕСТИВАЛИ ЎТКАЗИШ ИМКОНИАТЛАРИ МУҲОКАМА ҚИЛИНДИ

Вилоят ҳокими Хайрулло Бозоров Россия Федерацияси Қозон шаҳрида жойлашган Global Media ballooning аэроклуби раҳбари Андрей Ермолаевни қабул қилди.

Учрашувда Global Media ballooning билан ҳамкорликда Фарғона вилояти ҳудудида ҳаво шарлари фестивали ўтказиш имкониятлари муҳокама қилинди.

Фарғона вилоятининг иқлим шароитларини ҳаво шари учуриш учун мақбул эканини қайд этган Андрей Ермолаев, вилоят ҳудудида бундай тадбирни ўтказилиши туризмни ривожлантириш ҳамда вилоятни хорижда танитиш нуқтаи назаридан самарали бўлишини таъкидлади.

Global Media ballooning Қозон шаҳрида 4 та аэростат билан ҳаво шари парвозлари ташкил этиб келаётганини маълум қилган аэроклуб раҳбари, шаҳар меҳмонлари, қолаверса, маҳаллий аҳоли томонидан ҳам бундай ҳаво саёҳатига талаб кутилганидан ҳам юқори эканини қайд этди.

Учиш соҳасини тартибга солувчи идоралар билан ҳаво шарларида парвозларни ташкил этиш бўйича маслаҳатлашувлардан сўнг музокараларни яқин кунларда давом эттиришга келишиб олинди.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2023-12-04 22:48:44